

- 45 Ludit et in miseris et nunquam lassa quievit.  
 Ecce quot erumnis mundum Fortuna fatigat  
 Et mortale genus quam vanida gloria pascat.  
 Milles et orator, sapientia, clerus ad astra  
 Me simul abstulerant, quam risit gloria mundi.  
 50 Ipsa modo miseranda probo nimis omnia vana.

## VIATOR.

- O michi, quam sapiens et adhuc miranda videris,  
 Quam lacerum corpus, quantum tua lingua venustat.  
 Quero tamen, que causa mali, que torva Megera  
 Tot populos inflans sic in tua damna retorsit.  
 55 Quero quidem causam, nam belli mille paratus,  
 Insultus primos, loca multa redacta favilis,  
 Innumeras cedes, passim sine lege rapinas,  
 Fraudibus, insidiis, armis, sudore virili  
 Opida strata solo, deiectas vertice turres,  
 60 Naribus, aure, manu, pedibus mutilata virorum  
 Millia, certatim fossi ludibria vultus,  
 Alternis laqueis pendentia militis ora,  
 Eventus belli varios longosque labores,  
 Quin etiam facinus quod barbarus orreat omnis,  
 65 Monstra nefanda nimis, spectacula dura parentum,  
 Scilicet insontes pueros data pignera pacis  
 Consortes fidei, fidei quoque signa gerentes,  
 Quales sepe fuit feritas miserata leonum  
 Ignis et erubuit Caldei vasta vorago,  
 70 Ad lapidum fulmen puerilia membra revinctos  
 Sub nive, sub pluvia positos, sub sole, sub astris,  
 Mox et in ora patrum (missos) miseranda suorum  
 Cum domini signis lapidoso fulmine fractos.  
 Quod scelus et Farii superavit monstra tyranni  
 75 Et Diomedis equas tot matrum luctibus altas  
 Aut etiam Siculi succensa metalla iuveni.  
 Hec, inquam, tot plena malis tua prelia monstras,  
 Set famis et stimulus et scisma quod inter obortum  
 Omne malum superans tandem tua menia stravit,  
 80 Hec satis audiui nec quero retexere longa.

## URBS.

Quo modo sic memoras, o quantum miror, amice,  
 Quisquis es? Unde tibi, peregrinus namque videris

- 51 'miseranda' Hs. 66 'Silicet' Hs. 72 'missos' fehlt in der Hs.  
 77 'monstis' Hs.

46 Aen. VI, 533 'quae te Fortuna fatigat'. 52 Met. VI, 562 'lacerum . . corpus'. 53 Aen. XI, 480 'Causa mali tanti'. 63 Aen. X, 160 'Eventus belli varios'. 72 Aen. I, 95 'ante ora patrum'. 75 Aen. I, 752 'quales Diomedis equi'. 79 Aen. VI, 736 'omne malum'.